

八月並以十五日朝禮建齋請詣行道為國王大臣人民消災祈福至今相承不絕其君於晉咸和二年徵為氏陽縣令官滿歸宅上頻徵請不赴勅命上亦委以手詔不載擾亂唯與十二仙君更相勉勵內修不二之法神

仙之術經于八年至元康二年八月十五日合宅飛昇鷄犬悉去舊宅壇井儼然而存承二代姪男簡承宗繼世為道士修持供養傳受孝道晉永和三年勅再為豆觀至貞觀元年國之不崇人之疎索觀宇家落有似寂寞

焉至永淳三年奉勅再興孝道承代傳香姪男簡男卿長男法強強男靈曜曜姪孝通通男叔嗣息嗣息法胤胤姪法恭恭姪景陽陽男顯龍龍男承觀觀男道超超男元樞樞男玄基基男紹珪珪男文楚楚男王仙姪

法真真姪顯然矣

孝道具許二真君傳

太極仙公傳序

廣六

仙道尚矣餘神農氏兩師而來代有人焉至周老氏以清靜無為為宗學焉者奉之以為教父其道蓋顯自於天下秦漢之君好長生方士雲集霧布飛騰變化者亦班班有人載之傳記不誣也吾邑葛仙公異時得道而仙者也距今蓋千二百年矣種民相傳觀宇紀事逾久而逾盛香燈晨夕崇奉如一日然非夫道德有在亦烏能臻此歟余官山東秩滿丁家艱還鄉里青元觀高士譚道林偕其同門友五人過余袖書一通出示余曰此吾仙公傳也觀本仙公故宅宅仙公昇舉之後即宅為觀以奉之幾將千載矣聞風訪道者恒至而問焉患未有以語其詳也先師竹巖翁有志於此有年所矣聞嘗語吾曰夫蔭其樹者猶愛其枝矧學其道而可不知所自哉昔呂先生嘗撰仙公傳一卷道藏之燬有間矣訪求未之獲也世遠而事逸事之遠豈非吾山中之甚闕與歟僅得闕阜山所記仙公傳一卷此書是已將綴諸梓病其弗備而未果

也既而先師厭世羽化弟子將圖踵成先志以無忘先師平素春春做念惟先生為加潤色而傳諸好事者則豈惟山林是幸抑亦一已神明之觀也余再三辨不獲命乃受書讀歎遇顧其叙次繁蕪而尚多放失於是重加編次為傳一卷易曰神而明之存乎其人仙公之道神矣學其道者能修而明之則其其人也仙道亦烏有不可幾哉道林勉之竹巖翁姓貢氏名惟琳世家丹陽之柳茹通儒者善鼓琴慕仙公之道而學焉者道林受業師也道林名嗣先世家丹陽之於溪師弟子皆丹陽望族云歲在丁巳二月朔朱緯序

廣六

二